

ԽՈՒՃԱՊԻ ՎԱՆՔ

Մալականաբնակ Պրիվոլնոյե գյուղից 25 կմ հյուսիս, Լալվարի հյուսիսարևմտյան փեշին, Խորակերտի վանքից ոչ հեռու, Վրաստանի Մառնեուլի շրջանի հայկական Ախ-քորփի գյուղից 2 կմ հարավ-արևմուտք, ընդարձակ բացատում ժամանակների արհավիրքին դիմակայում է Խուճապի վանական խոշոր հաստատությունը։ Սրբատաշ քարով շարված, արտաքին ճոխ հարդարանքով գմբեթակիր գլխավոր եկեղեցին, միանավ սրահը, շրջապարիսպն ու այլ շինություններ ներկայումս կիսավեր են։

Մենաստանը երկար ժամանակ եղել է հյուսիսային Հայաստանի հայ քաղկեդոնիկների խոշոր կենտրոններից, թերևս երկրորդը՝ Ախթալայից հետո։ Այստեղ, այս խաղաղ պայմաններում կուսանոց էր մինչև 1970-ական թվականները, հուշարձանների որմերին վիմագրեր չեն նկատվել։

1184. ՏԱՊԱՆԱՔԱՐ. հարթ, ձեռքերը կրծքին խաչած ննջեցյալի հարթաքանդակի գլխավերևում, 5 տող.

ԱՅՍ Է ՏԱՊԱՆ Ա
ԻԱՏԻ ՈՐԴԻ ԱՐ
ՈՒԹԻՆ, ՈՐ Փ[Ո]ԽԵՑԱԻ
ԱՌ ԱԾ ԹՎԻՆ
ՌՃՀԶ (1727):

Ծանոթ. Տապանաքարն ընկած է Խուճապի վանքի գլխավոր եկեղեցու մեջ, բերված է այլ տեղից։

ՄԵԾԱՎԱՆ

Աշոցքի ամենամեծ գյուղն է։ Ըստ Ե. Լալայանի՝ XIX դ. սկզբից եղել է Մելիք Շահ-նազարի ամառանոցը և վերաբնակեցվելով՝ կրել է նրա անունը։ Բնակավայրի հարավարևելյան մասում պահպանվում են V-VI դդ. վանքի ավերակներ (երկու եկեղեցի, գերեզմանոց, պարսպի մնացորդներ)։ Պ. Մուրադյանը կարծում է, որ գյուղն սկզբնապես պետք է որ կոչված լինի Խոշավանք։¹¹¹

Մեծավան-Խոշավանում եկեղեցի է կառուցվել Կյուրիկյան Աբաս թագավորի օրոք՝ 1095 թ., ինչպես և Թամար թագուհու որդի Գեորգի-Լաշայի թագավորության տարիներին՝ 1220-30-ական թվականներին, որոնց մասին տեղեկացնում են տեղի վրացերեն արձանագրությունները։¹¹²

Մեծավանը նշանակալի դեր է խաղացել Աշոցք գավառի վարչական, հոգևոր և պաշտպանական կյանքում։

XIX դ. և վերջին տարիների ընթացքում գյուղի երկու եկեղեցիները նորոգվել են կաթոլիկ հայերի հոգևոր առաջնորդների կողմից։

¹¹¹ Պ. Մուրադյան, ՀՎԱ, էջ 151։

¹¹² Նույն տեղում, էջ 153-160։

1185. ԵԿԵՂԵՑԻ. որմին, 1 տող.

ՄԲ ՅՕՅԱՆՆԷՍ:

Չրատ. Գ. Շալսկյան, Լոռի, 24:

Ծանոթ. Հովհաննես Սկրտչի անվանագիրը փորագրված է XIX դ. վերանորոգության ժամանակ:

1186. ՏԱՊԱՆԱՔԱՐ. եկեղեցու շրջապատի գերեզմանոցում.

Այս է հանգիստ Մանկասարին: [Թվին] ՈՃԺ (1661):

Չրատ. Սուրադյան, ԳՎԱ, 151:

Ծանոթ. Պ. Սուրադյանի հավաստմամբ՝ այստեղ է նաև Ակոբի 1716 թ. տապանագիրը (նույն տեղում), իսկ Ս. Հովհաննես եկեղեցու մոտ «թաղված է 1853 թ. վախճանված Տէր Սխիթար Գերանուանի» վարդապետը (ԳՎԱ, 152): Կան նաև վրացերեն արձանագրություններ:

ՍԱՍՑԵՎՐԻՍ

Եռագգ բնակչությամբ փոքրիկ գյուղ է Վրաստանի Բուլնիս քաղաքից հարավ-արևմուտք, հայաստանամերձ անտառի փեշին: Տեղանքին քաջածանոթ Ավետիք Ենգոյանը տևական պրպտումների շնորհիվ պարզել է, որ այդ տարածքի ծորակներում, հարթավայրերում, առվակների եզրերին ու լեռնածորակներին կան լքված-ամայացած բնակատեղիներ, ամրոցներ (Շանշիղուլա), եկեղեցիներ ու գերեզմանոցներ, որոնք վկայում են մինչև XVII դ. վերջերը հայերով բնակեցված լինելու մասին: Այնուհետև, XVIII դ. սկսած ներգաղթող հայերը վերաբնակվել են հին գյուղերում կամ հիմնարկել նորերը, որոնցում դեռ ապրում են հայալեզու կամ ազգությունն իսպառ մոռացած նրանց ժառանգները:

Սամցեվրիս գյուղի հարավային եզրում կանգուն է եռահարկ մի շինություն՝ շրջապատված ընդարձակ գերեզմանոցով: Անկանոն քարով շարված կառույցը տեղացիները կոչում են զանգակատուն: Դրա առաջին հարկը երկու կամարների վրա նստող թաղով աղոթարան է, երկրորդը՝ նույնպես, իսկ երրորդ հարկաբաժինը բազմանիստ ութ սյուներով, աղյուսաշար նիստերով զանգակատունն է:

1187. ՋԱՆԳԱԿԱՏՈՒՆ. սյան խոյակին, գեղագիր.

ՍԱՐԼԳԻՍ:

Ծանոթ. Շինարար վարպետի անվանագիրն է: Հավանաբար նա 1652 թ. Սանահնի վանքը վերանորոգող ուստա Սարգիսն է, որն իր ժամանակակից, Հաղբատավանքը նորոգող Նավասարդ Առնջեցի շինարար-ճարտարապետի հետ եկեղեցական շինարարություն է ծավալել մոտակա Շուլավերի և Բուլնիսի շրջաններում: